

Denira Jukić, dipl.pravnik - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Denira Jukić, dipl.pravnik
Naziv Teme	Institut usvojenja u zakonodavstvima zemalja non EU u korelaciji sa Evropskom konvencijom o usvojenju djece
Rezime/Abstract	<p>U ovom magistarskom radu upoznajemo se s tematikom usvojenja djece koja uključuje samu definiciju usvojenja, ciljeve usvojenja koji su se kroz historijska razdoblja mijenjali, vrste usvojenja, pravne pretpostavke za usvojenje i sam postupak zasnivanja usvojenja. Usvojenje predstavlja najpotpuniji i najefikasniji oblik zaštite djece bez roditeljskog staranja. Usvojenjem se djetetu obezbjeđuje rast i razvoj u porodici u kojoj usvojioci preuzimaju ulogu roditelja i vrše svoja prava i dužnosti koje im po tom osnovu i pripadaju. Tendenciju rasta broja djece koja su na ovaj način zbrinuta možemo posmatrati u kontekstu reformi u sistemu socijalne zaštite, a koje su inicirane od strane Federalnog ministarstva rada i socijalne politike. Usvojenje kao poseban oblik porodično-pravnog zbrinjavanja i zaštite djece bez odgovarajuće roditeljske skrbi koji usvojiteljima omogućuje roditeljstvo, objedinjuje dva interesa, dva ljudska dobra, odnosno dva cilja koja su komplementarna. Usvojenje objedinjuje i dva prava i to: sa jedne strane, pravo čovjeka na roditeljstvo i osnivanje porodice, a sa druge strane, pravo djeteta na sigurnost, stabilan dom i odgoj u porodici. Ta dva ljudska prava su konačno konstituirana i definitivno pravno zaštićena međunarodnim globalnim i regionalnim pravnim aktima. Usvojenje kao porodično-pravni institut u potpunosti uređuju Porodični zakoni država koje sam istraživala u ovom radu, a to su Republike Bosna i Hercegovina, Srbija, Crna Gora, Kosovo i Makedonija, uz osvrt na Hašku konvenciju o usvojenju djece iz 2008. godine, dok centri za socijalni rad provode program podobnosti i prikladnosti potencijalnih usvojlaca, te provode postupak usvojenja u odnosu na dijete koje je pod njegovom nadležnosti. Usvojenje omogućuje odrastanje i odgoj u sigurnom porodičnom okruženju, a dijete je tu dar koji usvojioci prihvaćaju upravo onakav kakav on jest, te osjećaj da je željeno od svojih usvojlaca. Usvojenje djece, bilo u istoj zemlji ("nacionalno usvojenje") ili preko granica ("usvojenje među zajednicama"), pokreće nekoliko pitanja ljudskih prava. Stoga je od suštinskog značaja da se cijeli proces usvojenja treba voditi principom identifikacije i djelovanja u najboljem interesu djeteta. Potrebne su mjere u nekoliko oblasti kako bi se bolje zaštitila djeca i njihova prava tokom nacionalnih i međunarodnih procedura usvojenja. Takođe je važno da se najbolji interes djeteta odredi na način koji obezbeđuje poštovanje svih prava. Kada se predviđa usvojenje, ozbiljno se mora uzeti u obzir veliki broj uključenih faktora. Usvojenje se zaista može posmatrati kao uključivanje mape ljudskih prava djeteta: pokreće pitanja identiteta, podrške porodice i pomoći djeci bez roditeljskog staranja, pristup osnovnim uslugama i zaštiti od eksploatacije i maltretiranja, a da se ne zaboravi na pravo djeteta da se njegovo mišljenje uzme u obzir - i osnovni princip da najbolji interes djeteta mora biti najvažniji faktor pri donošenju odluka o usvojenju. Nadalje, u ovom radu analizirati ću da pravni propisi non EU zemalja, a koji regulišu proceduru i posljedice usvojenja, nisu u potpunosti harmonizirani sa odredbama Evropske konvencije o usvojenju djece iz 2008. godine. Zapravo, u radu ću prikazati da harmonizacija nacionalnih propisa dovodi do veće zaštite najboljeg interesa djeteta, da postojanje dvije vrste usvojenja nije u najboljem interesu djeteta, te da Evropska konvencija o usvojenju djece iz 2008. godine dovodi u korelaciju prava odraslih sa pravima djece. Također, ono što je važno napomenuti jeste da, pored što se pravni propisi navedenih zemalja, a kojima se uređuje institut usvojenja međusobno razlikuju, ovim se radom želi ukazati i na nepravilnosti i nepodudarnosti zakonodavnih propisa između samih entiteta Bosne i Hercegovine, budući da isti materiju samog izučavanja instituta usvojenja u određenim segmentima reguliraju na posve drugačiji način.</p>
Datum	27.02.2019
Predsjednik	Dr sc. Jasmina Alihodžić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Mentor	Dr sc. Boris Krešić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Član komisije	Dr sc. Mirela Čokić-Džinić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Član komisije	-
Član komisije	-
Zamjenski član	Dr sc. Hamid Mutapčić, vanredni profesor, Uža naučna oblast „Građansko-pravna“, Pravni fakultet Univerziteta u Tuzli
Dodatni detalji i lokacija	dana 27.02.2019. godine sa početkom u 17,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.